



Broj: 09/2-2-16-8-40079-6/19
Sarajevo, 25.01.2019.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: JN1-16-4-int-66-3/19 od 22.01.2019. godine, u postupku javne nabavke i isporuke štampanih medija (dnevni i sedmični) za potrebe MVP BiH, **d o n o s i m:**

O D L U K U **o izboru najpovoljnijeg ponuđača**

Ponuđač "IPRESS" d.o.o. Široki Brijeg sa ponudom br: 02-163-12/18 od 28.12.2018. godine, proglašava se najpovoljnijim, te se imenovanom ponuđaču dodjeljuje ugovor za nabavku i isporuku štampanih medija (dnevni i sedmični) na adresu Ministarstva vanjskih poslova BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-2-int-2085-3/18 od 04.12.2018. godine, u kojoj je predviđeno da je procijenjena vrijednost javne nabavke bez PDV-a 7.500,00 KM.

Obavještenje o nabavci br: 253-7-1-39-3-20/18, objavljeno je na Portalu javnih nabavki dana 17.12.2018. godine.

Javna nabavka je provedena putem konkurentskog zahtjeva za dostavljanje ponuda i predviđeno je bilo provođenje e-aukcije.

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da ponuda ponuđača:

1. „IPRESS“ d.o.o. Široki Brijeg;
zaključno sa rednim brojem 1 (jedan),

ispunjava formalno-pravne, ekonomske i tehničke zahtjeve Ministarstva vanjskih poslova BiH, te da je prihvatljiva i može biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Ponuđač „Duhanpromet“ d.o.o. Sarajevo, je isključen iz daljeg postupka jer je original izvoda iz sudskog registra, čiju ovjerenu kopiju je dostavio, stariji od tri mjeseca, računajući od dana dostavljanja ponude (pod danom dostavljanja ponude, smatra se datum koji je ugovorni organ odredio u tenderskoj dokumentaciji kao rok za dostavljanje ponuda). Naime, original izvoda iz sudskog registra za „Duhanpromet“ d.o.o. Sarajevo je izdat 18.09.2018. godine, a ponuda je dostavljena 03.01.2019. godine.

Tenderskom dokumentacijom, kao i Odlukom o pokretanju postupka, za ovaj predmet nabavke bilo je predviđeno provođenje E-aukcije, međutim kako je validna samo jedna ponuda za predmetnu nabavku, E-aukcija nije provedena, a kako je to i predviđeno članom 3. stav (3) Pravilnika o uslovima i načinu korištenja E-aukcije.

Komisija je konstatovala da je cijena ponude bez PDV-a, a koju je dostavio „IPRESS“ d.o.o. Široki Brijeg u iznosu od 7.767,60 KM neznatno viša od procijenjene vrijednosti javne nabavke koja je iznosila 7.500,00 KM, pa s tim u vezi je nakon konsultacija sa Odsjekom za finansije prihvatila ponuđenu cijenu (svakako da količine i naslovi predmetne nabavke mogu da variraju i da u toku godine bude isporučen manji broj izdanja navedenih u tehničkoj specifikaciji).

Polazeći od činjenice da prihvatljiva ponuda u formalno-pravnom, ekonomskom i tehničkom smislu ispunjava zahtjeve Ministarstva vanjskih poslova BiH, primjenom kriterija „najniža cijena tehnički zadovoljavajuće ponude“, Komisija je zapisnikom broj: JN1-16-4-int-66-3/19 od 22.01.2019. godine, utvrdila da je najpovoljnija ponuda ponuđača:

"IPRESS" d.o.o. Široki Brijeg sa cijenom od 7.767,60 KM bez PDV-a, odnosno sa PDV-om u iznosu od 9.088,09 KM

te da ista u ekonomskom i tehničkom smislu u potpunosti zadovoljava zahtjeve ugovornog organa. Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, data je preporuka da se donese Odluka o izboru najpovoljnijeg ponuđača kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

DOSTAVITI:

1. Svim učesnicima u postupku javne nabavke;
2. Evidenciji a/a.

